

(पञ्चमोऽध्यायः ॥ वर्गाः 1-26)

(1)

5

(म.4, अनु.1)

ऋषिः वामदेवः गौतमः

छन्दः त्रिष्टुप्

देवता वैश्वानरः अग्निः

वैश्वानराय मीळहुषे सजोषाः कथा दाशेमाग्रये बृहद्भाः |
अनूनेन बृहता वक्षथेनोप स्तभायदुपमित्र रोधः || 1 ||
मा निन्दत य इमां मह्यं रातिं देवो ददौ मर्त्याय स्वधावान् |
पाकाय गृत्सो अमृतो विचेता वैश्वानरो नृतमो यद्वो अग्निः || 2 ||
सामं द्विर्भा महि तिग्मभृष्टिः सहस्रेता वृषभस्तुविष्मान् |
पदं न गोरपगूळं विविद्वानग्निर्मह्यं प्रेदु वोचन्मनीषाम् || 3 ||
प्र तां अग्निर्भसत्तिग्मजम्भस्तपिष्ठेन शोचिषा यः सुराधाः |
प्र ये मिनन्ति वरुणस्य धाम प्रिया मित्रस्य चेततो ध्रुवाणि || 4 ||
अभ्रातरो न योषणो व्यन्तः पतिरिपो न जनयो दुरेवाः |
पापासः सन्तो अनृता असत्या इदं पदमजनता गभीरम् || 5 ||
इदं मे अग्रे कियते पावकामिनते गुरुं भारं न मन्म |
बृहद्धाथ धृषता गभीरं युहं पृष्ठं प्रयसा सप्तधातु || 6 ||
तमिन्वेव समना समानमभि क्रत्वा पुनती धीतिरश्याः |
ससस्य चर्मन्त्रधि चारु पृश्नेरग्रे रूप आरुपितं जबारु || 7 ||
प्रवाच्यं वचसः किं मे अस्य गुहा हितमुप निणिग्वदन्ति |
यदुस्त्रियाणामप वारिव व्रन्याति प्रियं रूपो अग्रं पदं वेः || 8 ||
इदमु त्यन्महि महामनीकं यदुस्त्रिया सचत पूर्व्य गौः |
ऋतस्य पदे अधि दीद्यानं गुहा रघुष्यद्रघुयद्विवेद || 9 ||
अधं द्युतानः पित्रोः सचासामनुत गुह्यं चारु पृश्नेः |
मातुष्यदे परमे अन्ति षट्कोर्वृष्णाः शोचिषः प्रयतस्य जिह्वा || 10 ||
ऋतं वोचे नमसा पृच्छ्यमानस्तवाशसा जातवेदो यदीदम् |
त्वमस्य क्षयसि यद्ध विश्वं दिवि यदु द्रविणं यत्पृथिव्याम् || 11 ||
किं नो अस्य द्रविणं कद्ध रत्नं वि नो वोचो जातवेदश्चिकित्वान् |
गुहाध्वनः परमं यन्नो अस्य रेकु पदं न निदाना अगन्म || 12 ||
का मर्यादा वयुना कद्ध वाममच्छा गमेम रघवो न वार्जम् |
कुदा नो देवीरमृतस्य पत्नीः सूर्यो वर्णेन ततनवृषासः || 13 ||
अनिरेण वचसा फल्वेन प्रतीत्येन कृधुनातृपासः |
अथा ते अग्रे किमिहा वदन्त्यनायुधास आसता सचन्ताम् || 14 ||
अस्य श्रिये समिधानस्य वृष्णो वसोरनीकं दम् आ रुरोच |
रुशद्वसानः सुदृशीकरूपः क्षितिर्न राया पुरुवारो अद्यौत् || 15 ||

ऋषिः वामदेवः गौतमः

छन्दः त्रिष्टुप्

देवता अग्निः

ऊर्ध्वं ऊ षु णो अध्वरस्य होतरग्रे तिष्ठ देवताता यजीयान्	
त्वं हि विश्वमभ्यसि मन्म प्र वेधसश्चित्तिरसि मनीषाम्	॥ 1 ॥
अमूरो होता न्यसादि विक्ष्वश्रिर्मन्द्रो विदथेषु प्रचेताः	
ऊर्ध्वं भानुं सवितेवाश्रेन्मेतेव धूमं स्तभायदुप द्याम्	॥ 2 ॥
यता सृजुर्णी रातिनी घृताचीं प्रदक्षिणिदेवतातिमुराणः	
उदु स्वरुर्नवजा नाक्रः पश्वो अनक्ति सुधितः सुमेकः	॥ 3 ॥
स्तीर्णो बर्हिषि समिधाने अग्रा ऊर्ध्वो अध्वर्युर्जुषाणो अस्थात्	
पर्यग्निः पशुपा न होता त्रिविष्ट्येति प्रदिव उराणः	॥ 4 ॥
परि त्मना मितद्वरेति होताग्निर्मन्द्रो मधुवचा ऋतावा	
द्रवन्त्यस्य वाजिनो न शोका भयन्ते विश्वा भुवना यदध्राद्	॥ 5 ॥
भद्रा ते अग्रे स्वनीक संदग्धोरस्य सतो विषुणस्य चारुः	
न यत्ते शोचिस्तमसा वरन्त न ध्वस्मानस्तन्वीरे रेप आ धुः	॥ 6 ॥
न यस्य सातुर्जनितोरवारि न मातरापितरा नू चिदिष्टौ	
अथा मित्रो न सुधितः पावकोऽग्निर्दीदाय मानुषीषु विक्षु	॥ 7 ॥
द्विर्य पञ्च जीर्जनन्त्संवसानाः स्वसारो अग्नि मानुषीषु विक्षु	
उषर्बुधमथयोरे न दन्तं शुक्रं स्वासं परशुं न तिग्मम्	॥ 8 ॥
तव त्ये अग्रे हरितो घृतस्त्रा रोहितास ऋज्वञ्चः स्वञ्चः	
अरुषासो वृषण ऋजुमुष्का आ देवतातिमहन्त दुस्माः	॥ 9 ॥
ये ह त्ये ते सहमाना अयासस्त्वेषासो अग्रे अर्चयश्चरन्ति	
श्येनासो न दुवसनासो अर्थं तुविष्णुणसो मारुतं न शर्धः	॥ 10 ॥
अकारि ब्रह्म समिधान तुभ्यं शंसात्युक्थं यजते व्यू धाः	
होतारमुग्निं मनुषो नि षेदुर्नमस्यन्त उशिजः शंसमायोः	॥ 11 ॥

ऋषिः वामदेवः गौतमः

छन्दः जगती 1, अनुष्टुप् 2-6, त्रिष्टुप् 7-11

देवता अग्निः

अयमिह प्रथमो धायि धातृभिर्होता यजिष्ठो अध्वरेष्वीड्यः	
यमप्रवानो भृगवो विरुरुचुर्वनेषु चित्रं विभ्वं विशेविशे	॥ 1 ॥
अग्रे कदा त आनुषग्भुवद्देवस्य चेतनम्	
अथा हि त्वा जगृध्रिरे मर्तासो विक्ष्वीड्यम्	॥ 2 ॥
ऋतावानं विचेतसं पश्यन्तो द्यामिव स्तृभिः	
विश्वेषामध्वराणां हस्कर्तारं दमेदमे	॥ 3 ॥

आशुं दूतं विवस्वतो विश्वा यश्चर्षणीरभि	
आ जभ्रुः केतुमायवो भृगवाणं विशेविशे	॥ 4 ॥
तमीं होतारमानुषक्चिकित्वांसं नि षेदिरे	
रण्वं पावकशौचिषं यजिष्ठं सप्त धामभिः	॥ 5 ॥
तं शश्वतीषु मातृषु वन आ वीतमश्रितम्	
चित्रं सन्तं गुहां हितं सुवेदं कूचिदर्थिनम्	॥ 6 ॥
ससस्यु यद्वियुता सस्मिन्नूधन्नृतस्य धामन्नृणयन्त देवाः	
महाँ अग्निर्नमसा रातहव्यो वेरध्वराय सदमिदृतावा	॥ 7 ॥
वेरध्वरस्य दूत्यानि विद्वानुभे अन्ता रोदसी संचिकित्वान्	
दूत ईयसे प्रदिव उराणो विदुष्टरो दिव आरोधनानि	॥ 8 ॥
कृष्णं त एम् रुशतः पुरो भाश्चरिष्ववर्चिर्वपुषामिदेकम्	
यदप्रवीता दधते ह गभं सद्यश्चिज्जातो भवसीदु दूतः	॥ 9 ॥
सद्यो जातस्य ददृशानुमोजो यदस्य वातो अनुवार्ति शोचिः	
वृणक्ति तिग्मामतसेषु जिह्वां स्थिरा चिदन्ना दयते वि जम्भैः	॥ 10 ॥
तृषु यदन्ना तृषुणा ववक्ष तृषु दूतं कृणुते यद्वो अग्निः	
वार्तस्य मेळिं संचते निजूर्वन्नाशुं न वाजयते हिन्वे अवाँ	॥ 11 ॥

(8) 8 (म.4, अनु.1)

ऋषिः वामदेवः गौतमः	छन्दः गायत्री	देवता अग्निः
--------------------	---------------	--------------

दूतं वो विश्ववेदसं हव्यवाहममर्त्यम्	यजिष्ठमृञ्जसे गिरा	॥ 1 ॥
स हि वेदा वसुधितिं महाँ आरोधनं दिवः	स देवाँ एह वक्षति	॥ 2 ॥
स वेद देव आनमं देवाँ ऋतायुते दमे	दाति प्रियाणि चिद्वसु	॥ 3 ॥
स होता सेदु दूत्यं चिकित्वाँ अन्तरीयते	विद्वान् आरोधनं दिवः	॥ 4 ॥
ते स्याम ये अग्र्ये ददाशुर्व्यदातिभिः	य ई पुष्यन्त इन्धते	॥ 5 ॥
ते राया ते सुवीर्यैः ससवांसो वि शृण्विरे	ये अग्रा दधिरे दुवः	॥ 6 ॥
अस्मे रायो दिवेदिवे सं चरन्तु पुरुस्पृहः	अस्मे वाजास ईरताम्	॥ 7 ॥
स विप्रश्चर्षणीनां शवसा मानुषाणाम्	अति क्षिप्रेव विध्यति	॥ 8 ॥

(8) 9 (म.4, अनु.1)

ऋषिः वामदेवः गौतमः	छन्दः गायत्री	देवता अग्निः
--------------------	---------------	--------------

अग्ने मृळ महाँ असि य ईमा देव्युं जनम्	इयेथ बहिरासदम्	॥ 1 ॥
स मानुषीषु दूळभो विक्षु प्रावीरमर्त्यः	दूतो विश्वेषां भुवत्	॥ 2 ॥
स सद्म परि णीयते होता मन्द्रो दिविष्टिषु	उत पोता नि षीदति	॥ 3 ॥
उत ग्रा अग्रिर्ध्वर उतो गृहपतिर्दमे	उत ब्रह्मा नि षीदति	॥ 4 ॥

वेष्टि ह्यध्वरीयतामुपवृक्ता जनानाम्	। हव्या च मानुषाणाम्	॥ 5 ॥
वेषीद्वस्य दूत्यं१ यस्य जुजोषो अध्वरम्	। हव्यं मर्तस्य वोळहवे	॥ 6 ॥
अस्माकं जोष्यध्वरमुस्माकं यज्ञमङ्गिरः	। अस्माकं शृणुधी हवम्	॥ 7 ॥
परि ते दूळभो रथोऽस्माँ अश्रोतु विश्वतः	। येन रक्षसि दाशुषः	॥ 8 ॥

(8)

10

(म.4, अनु.1)

ऋषिः वामदेवः गौतमः	छन्दः पदपङ्क्तिः 1-3, पदपङ्क्तिः उष्णिक् वा 4,6-7, महापदपङ्क्तिः 5, उष्णिक् 8
देवता अग्निः	

अग्रे तमद्याश्वं न स्तोमैः क्रतुं न भद्रं हृदिस्पृशम् । ऋध्यामा त ओहैः	॥ 1 ॥
अथा ह्यग्रे क्रतोर्भद्रस्य दक्षस्य साधोः । रथीर्ऋतस्य बृहतो बभूथ	॥ 2 ॥
एभिर्नो अर्केर्भवा नो अर्वाङ् स्वर्णं ज्योतिः । अग्रे विश्वेभिः सुमना अनीकैः	॥ 3 ॥
आभिष्टे अद्य गीर्भिर्गुणन्तोऽग्रे दाशेम । प्र ते दिवो न स्तनयन्ति शुष्माः	॥ 4 ॥
तव स्वादिष्टाग्रे संदृष्टिरिदा चिदहं इदा चिदुक्तोः । श्रिये रुक्मो न रोचत उपाके	॥ 5 ॥
घृतं न पूतं तनूररेपाः शुचि हिरण्यम् । तत्ते रुक्मो न रोचत स्वधावः	॥ 6 ॥
कृतं चिद्धि ष्मा सनेमि द्वेषोऽग्रं इनोषि मर्तात् । इत्था यजमानादृतावः	॥ 7 ॥
शिवा नः सख्या सन्तु भ्रात्राग्रे देवेषु युष्मे । सा नो नाभिः सदर्ने सस्मिन्नूधन्	॥ 8 ॥

(6)

11

(म.4, अनु.2)

ऋषिः वामदेवः गौतमः	छन्दः त्रिष्टुप्	देवता अग्निः
--------------------	------------------	--------------

भद्रं ते अग्रे सहसिन्ननीकमुपाक आ रोचते सूर्यस्य	।
रुशद्दृशे ददृशे नक्त्या चिदरुक्षितं दृश आ रूपे अन्नम्	॥ 1 ॥
वि षाह्यग्रे गृणते मनीषां खं वेपसा तुविजात् स्तवानः	।
विश्वेर्भिर्यद्वावनः शुक्र देवैस्तन्नो रास्व सुमहो भूरि मन्म	॥ 2 ॥
त्वदग्रे काव्या त्वन्मनीषास्त्वदुक्था जायन्ते राध्यानि	।
त्वदैति द्रविणं वीरपेशा इत्थाधिये दाशुषे मर्त्याय	॥ 3 ॥
त्वद्वाजी वाजंभरो विहाया अभिष्टिकृज्जायते सत्यशुष्मः	।
त्वद्वयिर्देवजूतो मयोभुस्त्वदाशुर्जुवाँ अग्रे अवाँ	॥ 4 ॥
त्वामग्रे प्रथमं देव्यन्तो देवं मर्ता अमृत मन्द्रजिह्वम्	।
द्वेषोयुतमा विवासन्ति धीभिर्दमूनसं गृहपतिममूरम्	॥ 5 ॥
आरे अस्मदमतिमारे अहं आरे विश्वाँ दुर्मतिं यन्निपासि	।
दोषा शिवः सहसः सूनो अग्रे यं देव आ चित्सर्चसे स्वस्ति	॥ 6 ॥

(6)

12

(म.4, अनु.2)

ऋषिः वामदेवः गौतमः

छन्दः त्रिष्टुप्

देवता अग्निः

यस्त्वामग्र इन्धते यत्सुक्त्रिस्ते अन्नं कृणवत्सस्मिन्नहन्
 स सु द्युमैरभ्यस्तु प्रसक्षत्तव क्रत्वा जातवेदश्चिकित्वान् ॥ 1 ॥
 इध्मं यस्ते जभरच्छश्रमाणो महो अग्ने अनीकमा संपुर्यन्
 स इधानः प्रति दोषामुषासं पुष्यन्नयि संचते घ्नन्मित्रान् ॥ 2 ॥
 अग्निरीशे बृहतः क्षत्रियस्याग्निर्वाजस्य परमस्य रायः
 दधाति रत्नं विधत्ते यविष्ठो व्यानुषङ्मर्त्याय स्वधावान् ॥ 3 ॥
 यच्चिद्धि ते पुरुषत्रा यविष्ठार्चित्तिभिश्चकृमा कच्चिदागः
 कृधी ष्वस्मां अदितेरनागान्व्येनांसि शिश्रथो विष्वगग्रे ॥ 4 ॥
 महश्चिदग्र एनसो अभीक ऊर्वाद्देवानामुत मर्त्यानाम्
 मा ते सखायः सदमिद्रिषाम् यच्छा तोकाय तनयाय शं योः ॥ 5 ॥
 यथा ह त्यद्वसवो गौर्यं चित्पदि षिताममुञ्चता यजत्राः
 एवो ष्वस्मन्मुञ्चता व्यंहः प्र तार्यग्रे प्रतुरं न आयुः ॥ 6 ॥

(5)

13

(म.4, अनु.2)

ऋषिः वामदेवः गौतमः

छन्दः त्रिष्टुप्

देवता अग्निः (लिङ्गोक्तदेवताः इति एके)

प्रत्यग्निरुषसामग्रमख्यद्विभातीनां सुमना रत्नधेयम्
 यातमश्विना सुकृतो दुरोणमुत्सूर्यो ज्योतिषा देव एति ॥ 1 ॥
 ऊर्ध्वं भानुं सविता देवो अश्रेद्द्रप्सं दविध्वद्विषो न सत्वा
 अनु व्रतं वरुणो यन्ति मित्रो यत्सूर्यं दिव्यारोहयन्ति ॥ 2 ॥
 यं सीमकृण्वन्तमसे विपृचे ध्रुवक्षेमा अनवस्यन्तो अर्थम्
 तं सूर्यं हरितः सप्त युद्धीः स्पशं विश्वस्य जगतो वहन्ति ॥ 3 ॥
 वहिष्ठेभिर्विहरन्त्यासि तन्तुमवव्ययन्नसितं देव वस्म
 दविध्वतो रुश्मयः सूर्यस्य चर्मेवावाधुस्तमो अप्स्वस्न्तः ॥ 4 ॥
 अनायतो अनिबद्धः कथायं न्यङ्कुत्तानोऽव पद्यते न
 कया याति स्वधया को ददर्श दिवः स्कम्भः समृतः पाति नाकम् ॥ 5 ॥

(5)

14

(म.4, अनु.2)

ऋषिः वामदेवः गौतमः

छन्दः त्रिष्टुप्

देवता अग्निः मान्त्रवर्णिकं वा

प्रत्यग्निरुषसो जातवेदा अख्यद्देवो रोचमाना महोभिः
 आ नासत्योरुगाया रथेनेमं युजमुप नो यातमच्छ ॥ 1 ॥
 ऊर्ध्वं केतुं सविता देवो अश्रेज्योतिर्विश्वस्मै भुवनाय कृण्वन्
 आप्रा द्यावापृथिवी अन्तरिक्षं वि सूर्यो रुश्मिभिश्चेकितानः ॥ 2 ॥

आवहन्त्यरुणीज्योतिषागान्मही चित्रा रश्मिभिश्चेकिताना ।
 प्रबोधयन्ती सुविताय देव्युंषा ईयते सुयुजा रथेन ॥ 3 ॥
 आ वां वहिष्ठा इह ते वहन्तु रथा अश्वास उषसो व्युष्टौ
 इमे हि वां मधुपेयाय सोमा अस्मिन्यज्ञे वृषणा मादयेथाम् ॥ 4 ॥
 अनायतो अनिबद्धः कथायं न्यङ्कुत्तानोऽव पद्यते न
 कया याति स्वधया को ददर्श दिवः स्कम्भः समृतः पाति नाकम् ॥ 5 ॥

(10)

15

(म.4, अनु.2)

ऋषिः वामदेवः गौतमः छन्दः गायत्री देवता अग्निः 1-6, सोमकः साहदेव्यः 7-8, अश्विनौ 9-10

अग्रिर्होता नो अध्वरे वाजी सन्परि णीयते । देवो देवेषु यज्ञियः ॥ 1 ॥
 परि त्रिविष्टचध्वरं यात्यग्नी रथीरिव । आ देवेषु प्रयो दधत् ॥ 2 ॥
 परि वाजपतिः कविरग्रिर्हव्यान्यक्रमीत् । दधद्रत्नानि दाशुषे ॥ 3 ॥
 अयं यः सृज्ये पुरो दैववाते समिध्यते । द्युमाँ अमित्रदम्भनः ॥ 4 ॥
 अस्य घा वीर ईवतोऽग्रेरीशीत् मर्त्यः । तिग्मजम्भस्य मीळहुषः ॥ 5 ॥
 तमर्वन्तं न सान्सिमरुषं न दिवः शिशुम् । मर्मज्यन्ते दिवेदिवे ॥ 6 ॥
 बोधद्यन्मा हरिभ्यां कुमारः साहदेव्यः । अच्छा न हूत उदरम् ॥ 7 ॥
 उत त्या यजता हरीं कुमारात्साहदेव्यात् । प्रयता सद्य आ ददे ॥ 8 ॥
 एष वां देवावश्विना कुमारः साहदेव्यः । दीर्घायुरस्तु सोमकः ॥ 9 ॥
 तं युवं दैवावश्विना कुमारं साहदेव्यम् । दीर्घायुषं कृणोतन ॥ 10 ॥

(21)

16

(म.4, अनु.2)

ऋषिः वामदेवः गौतमः छन्दः त्रिष्टुप् देवता इन्द्रः

आ सत्यो यातु मघवाँ ऋजीषी द्रवन्त्वस्य हरय उप नः ।
 तस्मा इदन्धः सुषुमा सुदक्षमिहाभिपित्वं करते गृणानः ॥ 1 ॥
 अव स्य शूराध्वनो नान्तेऽस्मिन्नो अद्य सर्वने मन्दध्यै
 शंसात्युक्थमुशनैव वेधाश्चिकितुषे असुर्याय मन्म ॥ 2 ॥
 कविर्न निण्यं विदथानि साधन्वृषा यत्सेकं विपिपानो अर्चात्
 दिव इत्था जीजनत्सप्त कारूनह्वा चिच्चक्रुर्वयुना गृणन्तः ॥ 3 ॥
 स्वर्यद्वेदि सुदशीकमर्कैर्महि ज्योतीं रुरुचुर्यद्ध वस्तोः
 अन्धा तमांसि दुधिता विचक्षे नृभ्यश्चकार नृतमो अभिष्टौ ॥ 4 ॥
 ववक्ष इन्द्रो अमितमृजीष्युंभे आ पंग्रौ रोदसी महित्वा
 अतश्चिदस्य महिमा वि रेच्यभि यो विश्वा भुवना बभूव ॥ 5 ॥
 विश्वानि शक्रो नर्याणि विद्वानपो ररेचु सखिभिर्निकामैः

अश्मानं चिद्ये बिभिदुर्वचोभिर्व्रजं गोमन्तमुशिजो वि वव्रुः	॥ 6 ॥
अपो वृत्रं वव्रिवांसं पराहन्प्रावत्ते वज्रं पृथिवी सचेताः	
प्राणांसि समुद्रियाण्यैनोः पतिर्भवच्छवसा शूर धृष्णो	॥ 7 ॥
अपो यदद्रिं पुरुहूत ददराविर्भुवत्सरमा पूर्य ते	
स नो नेता वाजमा दर्षि भूरि गोत्रा रुजन्नङ्गिरोभिर्गृणानः	॥ 8 ॥
अच्छा क्विं नृमणो गा अभिष्टौ स्वर्षाता मघवन्नाधमानम्	
ऊतिभिस्तमिषणो द्युम्रहूतौ नि मायावानब्रह्मा दस्युरर्त	॥ 9 ॥
आ दस्युघ्ना मनसा याह्यस्तं भुवत्ते कुत्सः सख्ये निकामः	
स्वे योनौ नि षदत्तं सरूपा वि वां चिकित्सदत्तचिद्ध नारी	॥ 10 ॥
यासि कुत्सेन सरथमवस्युस्तोदो वार्तस्य हयोरीशानः	
ऋज्रा वाजं न गध्यं युयूषन्क्विर्यदहन्पार्याय भूषात्	॥ 11 ॥
कुत्साय शुष्मशुषं नि बर्हीः प्रपित्वे अह्नः कुर्यवं सहस्रा	
सद्यो दस्युन्म मृण कुत्स्येन प्र सूरश्चक्रं वृहतादुभीकै	॥ 12 ॥
त्वं पिपुं मृगयं शूशुवांसमृजिर्धने वैदथिनाय रन्धीः	
पञ्चाशत्कृष्णा नि वपः सहस्रात्कं न पुरो जरिमा वि दर्दः	॥ 13 ॥
सूर उपाके तन्वंश् दधानो वि यत्ते चेत्यमृतस्य वर्षः	
मृगो न हस्ती तविषीमुषाणः सिंहो न भीम आयुधानि बिभ्रत्	॥ 14 ॥
इन्द्रं कामा वसूयन्तो अगमन्त्स्वर्मीळहे न सर्वने चक्रानाः	
श्रवस्यवः शशमानास उक्थैरोको न रण्वा सुदृशीव पुष्टिः	॥ 15 ॥
तमिद्व इन्द्रं सुहवं हुवेम यस्ता चकार नयां पुरूणि	
यो मावते जरित्रे गध्यं चिन्मक्षू वाजं भरति स्पार्हराधाः	॥ 16 ॥
तिग्मा यदन्तरशनिः पताति कस्मिञ्चिच्छूर मुहुके जनानाम्	
घोरा यदर्यं समृतिर्भवात्यध स्मा नस्तन्वो बोधि गोपाः	॥ 17 ॥
भुवोऽविता वामदैवस्य धीनां भुवः सखावृको वाजसातौ	
त्वामनु प्रमतिमा जगन्मोरुशंसो जरित्रे विश्वध स्याः	॥ 18 ॥
एभिर्नृभिर्निन्द्र त्वायुभिश्चा मघवद्भिर्मघवन्विश्व आजौ	
द्यावो न द्युमैरभि सन्तो अर्यः क्षपो मदेम शरदश्च पूर्वीः	॥ 19 ॥
एवेदिन्द्राय वृषभाय वृष्णे ब्रह्माकर्म भृगवो न रथम्	
नू चिद्यथा नः सख्या वियोषदसन्न उग्रोऽविता तनूपाः	॥ 20 ॥
नू हृत इन्द्र नू गृणान इषं जरित्रे नद्योऽ न पीपेः	
अकारि ते हरिवो ब्रह्म नव्यं धिया स्याम रथ्यः सदासाः	॥ 21 ॥

ऋषिः वामदेवः गौतमः

छन्दः त्रिष्टुप् 1-14,16-21, एकपदा विराट् 15

देवता इन्द्रः

त्वं म॒हो॑ इन्द्र॒ तुभ्य॑ ह॒ क्षा अनु॑ क्षत्रं म॒हना॑ मन्यत् द्यौः	
त्वं वृ॒त्रं शर्व॑सा जघ॒न्वान्त॑सृजः सिन्धूर॑हिना जग्र॒सानान्	॥ 1 ॥
तव॑ त्विषो॒ जनि॑मन्नेजत् द्यौ रेज॒द्भूमि॑र्भियसा स्वस्य॑ म॒न्योः	
ऋ॒घायन्त॑ सु॒भ्वः पर्व॑तासु आर्द॒न्धन्वा॑नि स॒रय॑न्त आपः	॥ 2 ॥
भि॒नद्भि॑रिं शर्व॑सा वज्र॑मिष्ण॒न्नाविष्कृ॑ण्वानः स॒हस्रान॑ ओजः	
वधी॑द्वृ॒त्रं वज्र॑ण म॒न्दसानः॑ स॒रन्नापो॑ जर्व॑सा ह॒तवृ॑ष्णीः	॥ 3 ॥
सु॒वीर॑स्ते जनि॒ता मन्य॑त् द्यौरिन्द्र॑स्य क॒र्ता स्व॑प॒स्तमो॑ भूत्	
य ई॑ ज॒जान॑ स्व॒र्यं सु॒वज्र॑मन॒पच्यु॑तं स॒दसो॑ न भूम॑	॥ 4 ॥
य एक॑ इ॒ष्ट्याव॑र्यति प्र भू॒मा राजा॑ कृ॒ष्टीनां॑ पु॒रुहू॑त इन्द्रः	
स॒त्यमे॑न॒मनु॑ विश्वे॑ मदन्ति रा॒तिं दे॒वस्य॑ गृ॒णतो॑ म॒घोनः॑	॥ 5 ॥
स॒त्रा सोमा॑ अभव॒न्नस्य॑ विश्वे॑ स॒त्रा मदा॑सो बृ॒हतो॑ म॒दिष्ठाः	
स॒त्राभ॑वो वसु॑पतिर्वसू॒नां द॒त्रे विश्वा॑ अधि॒था इन्द्र॑ कृ॒ष्टीः	॥ 6 ॥
त्वम॑ध॒ प्रथ॑मं जा॒यमानो॑ऽमे विश्वा॑ अधि॒था इन्द्र॑ कृ॒ष्टीः	
त्वं प्रति॑ प्र॒वत॑ आ॒शयान्॑महिं वज्र॑ण म॒घव॑न्वि वृ॒श्चः	॥ 7 ॥
स॒त्राह॑णं दा॒धृषि॑ तुम्र॒मिन्द्रं॑ म॒हाम॑पा॒रं वृ॑ष॒भं सु॒वज्र॑म्	
हन्ता॑ यो वृ॒त्रं स॒नि॒तो॒त वा॒जं दा॒ता म॒घानि॑ म॒घवा॑ सु॒राधाः॑	॥ 8 ॥
अ॒यं वृ॑त॒श्चात॑यते स॒मीची॑र्य आ॒जिषु॑ म॒घवा॑ शृ॒ण्व एकः॑	
अ॒यं वा॒जं भ॑रति॒ यं स॒नोत्य॑स्य प्रि॒यासः॑ सु॒ख्ये स्या॑म	॥ 9 ॥
अ॒यं शृ॑ण्वे अध॒ जय॑न्नु॒त घ्न॑न्यमु॒त प्र कृ॑णुते यु॒धा गाः॑	
य॒दा स॒त्यं कृ॑णुते म॒न्युमिन्द्रो॑ विश्वं॑ दृ॒ळ्हं भ॑यत् ए॒जद॑स्मात्	॥ 10 ॥
स॒मिन्द्रो॑ गा अ॒जय॑त्सं हि॒रण्या॑ स॒मश्चि॒या म॒घवा॑ यो ह॑ पु॒र्वीः	
ए॒भिर्नृ॑भिर्नृ॒तमो॑ अस्य शा॒कै रा॒यो वि॑भ॒क्ता सं॑भ॒रश्च॑ वस्वः	॥ 11 ॥
कि॒र्यत्स्वि॑दिन्द्रो॒ अध्ये॑ति मा॒तुः कि॒र्यत्पि॑तुर्ज॒नितु॑र्यो ज॒जान॑	
यो अस्य॑ शु॒ष्मं मु॒हुकै॑रि॒र्यति॑ वा॒तो न॑ जू॒तः स्त॒नय॑द्भि॒रभ्रैः॑	॥ 12 ॥
क्षि॒यन्तं॑ त्व॒मक्षि॑यन्तं कृ॒णोती॑र्यति रे॒णुं म॒घवा॑ स॒मोह॑म्	
वि॒भञ्ज॑नुर॒शनि॑माँ॒इव॑ द्यौरु॒त स्तो॑तारं॑ म॒घवा॑ वसौ॑ धात्	॥ 13 ॥
अ॒यं च॒क्रमि॑षण॒त्सूर्य॑स्य न्ये॒तशं॑ री॒रम॑त्स॒सृमा॑णम्	
आ कृ॑ष्ण ई॑ जु॒हुरा॑णो जि॒घर्ति॑ त्व॒चो बु॒ध्ने रज॑सो अ॒स्य यो॒नौ	॥ 14 ॥
अ॒सि॒क्रव्यां॑ यज॒मानो॑ न होता॑	॥ 15 ॥

गुव्यन्तु इन्द्रं सख्याय विप्रा अश्वायन्तो वृषणं वाजयन्तः	
जनीयन्तो जनिदामक्षितोतिमा च्यावयामोऽवृते न कोशम्	॥ 16 ॥
त्राता नो बोधि ददृशान आपिर्भिख्याता मर्दिता सोम्यानाम्	
सखा पिता पितृतमः पितृणां कर्तेषु लोकमुशते वयोधाः	॥ 17 ॥
सखीयतामविता बोधि सखा गृणान इन्द्र स्तुवते वयो धाः	
वयं ह्या ते चकृमा सबाध अभिः शमीभिर्महयन्त इन्द्र	॥ 18 ॥
स्तुत इन्द्रो मघवा यद्ध वृत्रा भूरीण्येको अप्रतीनि हन्ति	
अस्य प्रियो जरिता यस्य शर्मन्नकिर्देवा वारयन्ते न मर्ताः	॥ 19 ॥
एवा न इन्द्रो मघवा विरप्शी करत्सत्या चर्षणीधृदन्वा	
त्वं राजा जनुषां धेह्यस्मे अधि श्रवो माहिनं यज्जरित्रे	॥ 20 ॥
नू ह्युत इन्द्र नू गृणान इषं जरित्रे नद्योऽं न पीपेः	
अकारि ते हरिवो ब्रह्म नव्यं धिया स्याम रुथ्यः सदासाः	॥ 21 ॥

(13)

18

(म.4, अनु.2)

ऋषिः इन्द्रः 1, वामदेवः गौतमः 2,3,5,6, 8-13, वामदेवः अदिती 4, अदितिः 7	छन्दः त्रिष्टुप्
देवता वामदेवः 1,5-7, इन्द्रः 2-3,8-13, इन्द्रवामदेवौ 4	

अयं पन्था अनुवित्तः पुराणो यतो देवा उदजायन्त विश्वे	
अतश्चिदा जनिषीष्ट प्रवृद्धो मा मातरममुया पत्तवे कः	॥ 1 ॥
नाहमतो निरया दुर्गहैतत्तिरश्चता पार्श्वान्निर्गमाणि	
बहूनि मे अकृता कर्त्तानि युध्यै त्वेन सं त्वेन पृच्छे	॥ 2 ॥
परायती मातरमन्वचष्ट न नानु गान्यनु नू गमानि	
त्वष्टुर्गृहे अपिबत्सोममिन्द्रः शतधन्यं चम्बोः सुतस्य	॥ 3 ॥
किं स ऋधक्कणवद्यं सहस्रं मासो जभारं शरदश्च पूर्वीः	
नही न्वस्य प्रतिमानमस्त्यन्तर्जातेषूत ये जनित्वाः	॥ 4 ॥
अवद्यमिव मन्यमाना गुहाकरिन्द्रं माता वीर्येणा न्यृष्टम्	
अथोदस्थात्स्वयमत्कं वसान् आ रोदसी अपृणाज्जायमानः	॥ 5 ॥
एता अर्षन्त्यललाभवन्तीर्ऋतावरीरिव संक्रोशमानाः	
एता वि पृच्छ किमिदं भनन्ति कमापो अद्रिं परिधिं रुजन्ति	॥ 6 ॥
किमु ष्विदस्मे निविदो भनन्तेन्द्रस्यावद्यं दिधिषन्त आपः	
ममैतान्पुत्रो महता वधेन वृत्रं जघन्वाँ असृजद्वि सिन्धून्	॥ 7 ॥
ममञ्चन त्वा युवतिः पुरास ममञ्चन त्वा कुषवा जुगार	

ममञ्चिदापुः शिशवे ममृड्युर्ममञ्चिदिन्द्रः सहसोदतिष्ठत्	॥ 8 ॥
ममञ्चन ते मघवन्व्यंसो निविविध्वाँ अप हनू जघान	
अधा निविद्ध उत्तरो बभूवाञ्छिरो दासस्य सं पिणगवधेन	॥ 9 ॥
गृष्टिः संसूव स्थविरं तवागामनाधृष्यं वृषभं तुम्रमिन्द्रम्	
अरीळहं वृत्सं चरथाय माता स्वयं गातुं तन्व इच्छमानम्	॥ 10 ॥
उत माता महिषमन्वेनदुमी त्वा जहति पुत्र देवाः	
अथाब्रवीद्वृत्रमिन्द्रो हनिष्यन्त्सखे विष्णो वितरं वि क्रमस्व	॥ 11 ॥
कस्ते मातरं विधवामचक्रच्छ्रियुं कस्त्वामजिघांसञ्चरन्तम्	
कस्ते देवो अधि मर्डीक आसीद्यत्प्राक्षिणाः पितरं पादगृह्य	॥ 12 ॥
अवर्त्या शुनं आन्त्राणि पेचे न देवेषु विविदे मर्दितारम्	
अपश्यं जायाममहीयमानामधा मे श्येनो मध्वा जभार	॥ 13 ॥

। इति तृतीयाष्टके पञ्चमोऽध्यायः समाप्तः ।